



13 April 2017
13 April 2017
P.U. (B) 192

WARTA KERAJAAN PERSEKUTUAN

FEDERAL GOVERNMENT GAZETTE

NOTIS PENENTUAN MUKTAMAD AFIRMATIF
PENYIASATAN MENGENAI KELUARAN ROD DAWAI
KELULI DAN BAR BEBUNGA DALAM GEGELUNG YANG
DIIMPORT KE DALAM MALAYSIA

*NOTICE OF AFFIRMATIVE FINAL DETERMINATION OF AN
INVESTIGATION WITH REGARD TO STEEL WIRE RODS AND
DEFORMED BAR IN COILS PRODUCTS
IMPORTED INTO MALAYSIA*

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA PELINDUNG 2006

NOTIS PENENTUAN MUKTAMAD AFIRMATIF PENYIASATAN MENGENAI KELUARAN
ROD DAWAI KELULI DAN BAR BEBUNGA DALAM GEGELUNG YANG DIIMPORT
KE DALAM MALAYSIA

(SM 02/16)

PADA menjalankan kuasa yang diberikan oleh subseksyen 23(3) Akta Pelindung 2006 [*Akta 657*] dan peraturan 14 Peraturan-Peraturan Pelindung 2007 [*P.U. (A) 386/2007*], Kerajaan telah membuat penentuan muktamad afirmatif berhubung dengan penyiasatan mengenai keluaran rod dawai keluli dan bar bebunga dalam gegelung yang diimport ke dalam Malaysia sebagaimana yang diperihalkan dalam perenggan 1 ("keluaran").

Keluaran yang disiasat dan pengelasan tarif

1. Keluaran yang disiasat ialah rod dawai keluli dalam aloi atau bukan aloi gulungan panas dan bar bebunga dalam gegelung, dalam gegelung belitan sekata atau tidak sekata, tidak termasuk—

- (a) rod dawai keluli dan bar bebunga dalam gegelung dengan kandungan karbon 0.60% atau lebih atau berdiameter lebih besar daripada 16.0 milimeter;
- (b) keluaran yang diimport bagi maksud penggunaan akhir industri automotif, elektrik dan elektronik, minyak dan gas daripada semua gred dan spesifikasi; dan
- (c) bar bebunga dalam gegelung, dalam gegelung belitan sekata atau tidak sekata yang diimport bagi maksud penggunaan akhir industri pembinaan antigempa bumi daripada semua gred dan spesifikasi,

yang dikelaskan di bawah Kod Sistem yang Diharmonikan (Kod H.S.) dan Tatanama Tarif Berharmonis ASEAN (AHTN) 7213.10 1000, 7213.91 1000, 7213.91 2000, 7213.91 9000, 7213.99 1000, 7213.99 2000, 7213.99 9000 dan 7227.90 0000. Kod H.S. dan AHTN ini

diberikan hanya untuk makluman dan tidak mempunyai kesan mengikat terhadap pengelasan keluaran itu.

Keluaran serupa atau keluaran yang bersaing secara langsung

2. Keluaran serupa atau keluaran yang bersaing secara langsung ialah keluaran yang dikeluarkan oleh industri dalam negeri dan mempunyai perihalan yang sama dengan keluaran yang dinyatakan dalam perenggan 1.

Sebab bagi penentuan muktamad afirmatif

3. Berdasarkan penyiasatan, pihak berkuasa penyiasat telah mendapati bahawa—
- (a) terdapat peningkatan import keluaran, secara mutlak dan relatif kepada pengeluaran dalam negeri semasa tempoh penentuan kemudaran, iaitu mulai 1 Oktober 2012 hingga 30 September 2015; dan
 - (b) dalam keadaan itu, ia telah menyebabkan kemudaran yang serius kepada industri dalam negeri yang mengeluarkan keluaran serupa atau keluaran yang bersaing secara langsung berkenaan dengan penurunan bahagian pasaran, jualan dalam negeri, keberuntungan, aliran tunai, pengeluaran dan penggunaan kapasiti rendah, dan pengurangan dalam penggajian dan gaji pekerjaanya.

Langkah pelindungan yang terpakai

4. (1) Langkah pelindungan yang terpakai berhubung dengan keluaran hendaklah dalam bentuk duti pelindung muktamad dan dikenakan terhadap negara yang dinyatakan dalam Jadual.

(2) Duti pelindung muktamad hendaklah dikenakan bagi tempoh tiga tahun mulai 15 April 2017 hingga 14 April 2020 pada kadar yang berikut:

<i>Tempoh</i>	<i>Duti Pelindung Muktamad (%)</i>
15 April 2017 – 14 April 2018	13.90
15 April 2018 – 14 April 2019	12.90
15 April 2019 – 14 April 2020	11.90

JADUAL

[Perenggan 4]

NEGARA YANG DIKENAKAN DUTI PELINDUNG MUKTAMAD

1. Armenia
2. Australia
3. Kanada
4. Croatia
5. Republik Czech
6. Kesatuan Eropah
7. Republik Persekutuan Jerman
8. Perancis
9. Greece
10. Hungary
11. Ireland
12. Itali
13. Jepun
14. Negara Belgium
15. Negara Denmark
16. Negara Norway
17. Negara Sepanyol
18. Negara Sweden
19. Negara Belanda
20. Liechtenstein